



## PRAVILNIK

O praćenju rada, grupisanju sudija, rangovanju u toku i na kraju Prvenstva i radu kontrolora suđenja

### I OSNOVNE ODREDBE

#### Član 1.

Ovim Pravilnikom se utvrđuje i reguliše postupak praćenja rada i napredovanja košarkaških sudija Prvenstva BiH, odnosno, izrade rang liste suđenja u toku trajanja Prvenstva, kao i konačna rang lista po završetku istog. Regulišu se i radnje i postupci koji se preduzimaju zavisno od kvaliteta suđenja, te stimulativne i kaznene mjere koje se primjenjuju zavisno od učinka sudija.

#### Član 2.

Utakmice iz takmičenja koja su u nadležnosti KS BiH sude sudije sa rangom:

- međunarodni sudija,
- savezni (državni) sudija,
- republički sudija, ako po mišljenju sudijske komisije perspektivan ili je nominovan od strane iste za polaganje za više zvanje.

#### Član 3.

Sve sudije se razvrstavaju po kvalitetu suđenja na sudijske grupe i to:

- 1 Grupa - sude utakmice Prvenstva BiH
- 2 Grupa - sude utakmice Prvenstva BiH
- 3 Grupa - sude utakmice Prvenstva BiH
- 4 Grupa - sude utakmice Prvenstva BiH

Delegiranje sudija obavlja Komesar takmičenja po vlastitoj procjeni u zavisnosti od kvaliteta i težine utakmica, a SK KS BiH određuje grupe i rang listu, poredak u toku i na kraju Prvenstva. Zadržavanje statusa na listi plasmana u toku i na kraju prvenstva određuje prosjek ocjena u toku ili na kraju sezone dobijen na osnovu izvještaja o suđenju kontrolora suđenja.

U slučaju nedovoljnog broja kontrola suđenja, zadržavanje statusa na listi, odnosno, prelaska iz grupe u grupu na više ili na niže može se odrediti i na osnovu uvida u obavezno pregledani snimak utakmice od strane SK KS BiH.

Za sve kontrolisane i pregledane utakmice, utvrđuje se težina pojedine utakmice (**lagana, prosječna, teška, jako teška**) pridržavajući se načela da su utakmice doigravanja ili završnice lige teže od ligaških utakmica (20%).

#### Član 4.

Kontrola utakmice vršiće se na svim utakmicama Prvenstva BiH (seniori i seniorke) od strane SK KS BiH. Broj utakmica na kojima će se vršiti kontrola suđenja za svaku takmičarsku cjelinu i za svaku takmičarsku sezonu, utvrđuje SK KS BiH, prije početka cjeline ili sezone za sva takmičenja u nadležnosti KS BiH. Utvrđeni broj utakmica iz prethodnog stava na kojima će se vršiti kontrola suđenja, u smislu odredbi iz prethodnog stava, mora se obezbjediti svakom sudiji sa odgovarajuće liste sudija.



## Član 5.

Broj sudija koji prelazi iz grupe u grupu određuje SK KS BiH kao i broj najslabije plasiranih sudija koji su na kraju sezone plasirani tako da treba da sude niži rang. SK KS BiH utvrđuje ovakvu rang listu najkasnije do 15.07. godine u kojoj se sezona završila.

Do istog datuma utvrđuje se lista, odnosno, redosljed najbolje plasiranih sudija (međunarodnih) za FIBA takmičenja i regionalnu (NLB) ligu.

Utvrđuje se i plasman saveznih državnih sudija za nominaciju za ispit za međunarodno sudijsko zvanje, odnosno, perspektivna grupa za klinike mladih sudija.

Redosljed sudija na listi određuje se na osnovu prosjeka ocjena suđenja i mišljenja SK KS BiH.

## Član 6.

Definitivni status sudije na listi, odnosno, njegovog plasmana pored odredbi čl.5 određuje ispunjavanje sljedećih uslova:

- Prisustvovanje godišnjem i svim ostalim seminarima košarkaških sudija koje zakazuje SK KS BiH i na istim vrši licenciranje košarkaških sudija,
- Pozitivnom rezultatu testa poznavanja Pravila igre, ocjenjujući i broj dozvoljenih grešaka,
- Pozitivnom rezultatu fitnes testa,
- Zdravstvenim sposobnostima, uključujući i obavezno poštovanje indeksa tjelesne mase prema 'B.M.I.) zdravstvenom standardu,
- Prisustvovanje i aktivnosti, odnosno, odnos prema stručnim seminarima,
- Aktivnosti kao i odnos i ponašanje u sudijskoj organizaciji, odnosno, u svim strukturama košarkaškog sporta i života.

Neispunjavanje nekog od uslova iz prethodnog stava povlači prelazak sudije na nižu listu za narednu takmičarsku sezonu ili u toku sezone prebacivanje u grupe od I-IV.

U slučaju navedenom u prethodnom stavu, upražnjeno mjesto sudije zauzima naredni najbolje rangirani sudija po plasmanu u grupi.

## II KONTROLA SUĐENJA

### Član 7.

Kontrolu suđenja i ocjenjivanja vrše kontrolori suđenja sa liste kontrolora koju je usvojilo Predsjedništvo KS BiH na prijedlog SK KS BiH na početku svakog ciklusa ili na početku sezone.

Kontrolor suđenja može biti pasivni košarkaški sudija koji ima rang međunarodnog ili saveznog košarkaškog sudije i sudio je najviši rang takmičenja 5 godina za vrijeme aktivnog suđenja, kao i da se aktivno bavi tematikom sudijske organizacije.

### Član 8.

Izbor kontrolora suđenja i prijedlog liste kontrolora suđenja prema potrebama broja kontrolisanih sudija vrši SK KS BiH. SK KS BiH može usloviti uvrštavanje na listu, odnosno, dobijanje licence polaganjem pismenog testa na seminarima kontrolora.

### Član 9.

Vrednovanje stručnog učinka sudija se iskazuje ocjenama:

1. odlično suđenje (4,5 - 5,0)
2. iznad prosjeka (4,0 - 4,5)
3. prosječno ( 3,5 - 4,0)
4. ispod prosjeka (2,0 - 3,0 )
5. slabo (loše) (1)



## **Član 10.**

Prosjek ocjena koji se dobije iz pojedinačnih ocjena čini vrijednost učinka sudija, na koji se dodaju elementi težine utakmice, rezultat testiranja, perspektivnost ispunjavanje obaveza, uslova i zahtjeva SK KS BiH i Komesara takmičenja, čuvanje ugleda organizacije i njenih članova, ostalih podataka o angažovanju (otkazima suđenja, prihvatanju vanrednih nominacija, kaznama, bolesti i opštem ponašanju...) stručna procjena SK KS BiH.

## **Član 11.**

Delegiranje kontrolora suđenja vrši SK KS BiH ili osoba na prijedlog SK KS BiH, koju će verifikovati Predsjedništvo KS BiH pod uslovom da se isti pridržava sljedećih odredbi:

- delegiranje kontrolora ne treba obezbjeđivati teritorijalnu neutralnost, niti uvažavati zahtjeve klubova za odabir ili izuzeće kontrolora, odnosno, nominacija će se saopštavati lično kontroloru (e-mailom),
- delegiranjem kontrolora treba pokušati obezbjeđiti da jedan kontrolor suđenja prati suđenje što većeg broja sudija i da kontrolori suđenja obavezno prate suđenje na rezultatski neizvjesnim utakmicama, odnosno, završnicu Prvenstva.

### **III STIMULATIVNE MJERE**

## **Član 12.**

Kvaliteta plasmana sudija u toku i na kraju sezone treba stimulisati na jedan od sljedećih načina:

- ubrzanim tempom delegiranja,
- delegiranjem na teže, kvalitetnije i atraktivnije utakmice,
- najbolje sudije po plasmanu da obavezno sude KUP u seniorskoj konkurenciji
- završnicu Prvenstva (ligu 8-6) doigravanje u obje seniorske kategorije da sude najbolje rangirane sudije,
- da se najbolje sudije mogu stimulisati upućivanjem u sudijske kampove i klinike, koje organizuju nacionalni savezi drugih država, te upućivanjem sudija na značajna košarkaška takmičenja u svojstvu posmatrača.

### **IV KAZNE NE ODREDBE**

## **Čl. 13.**

Ne ulazeći u kompetencije Komesara takmičenja, odnosno, kaznenih odredbi Propozicija takmičenja SK KS BiH može tražiti od Komesara da se za slabo suđenje primjeni jedna od sljedećih mjera:

- razgovor Predsjednika SK KS BiH i Komesara sa sudijom,
- delegiranje na lakše utakmice,
- smanjenje tempa delegiranja do 3 utakmice u sezoni,
- sudiji koji dobije slabu ocjenu izreći mjeru od najmanje pet utakmica, a u ponovljenom slučaju predložiti izricanje mjere brisanja sa liste Upravno odboru KS BiH.
- sudija koji po dolasku na seminare i testiranja ne preda SK KS BiH uvjerenje o zdravstvenoj sposobnosti koje je valjano, a izdato od nadležne zdravstvene ustanove ili ne pristupi pregledu koji obezbjeđi organizator, a obavezan je, te ne dobije uvjerenje, nema pravo suditi utakmice nijednog ranga takmičenja dok traju okolnosti zbog kojih ne može dobiti ljekarsko uvjerenje. Takvom sudiji se zamrzava status na listi, a njegovo mjesto zauzima naredni najbolje plasirani sudija po prijedlogu članice istog.
- spriječenosti da prisustvuje seminaru (ima) i testiranju sudija je obavezan obavjestiti SK KS BiH prije početka seminara uz navođenje razloga i dokazivanja istih.



- eventualne kazne sudija izrečene od drugih organa (Komear, disc. Sud) uticaće na rang sudije isto kao da su donesene od strane SK KS BiH.

## **V PRELAZNE I ZAVRŠNE ODREDBE**

### **Član 14.**

SK KS BiH je dužna da u roku od godinu dana od stupanja ovog Pravilnika, da izvrši potrebne radnje da bi se uspostavilo organizovanje sa odredbama ovog Pravilnika.

### **Član 15.**

Tumačenje odredbi ovog Pravilnika Upravnom odboru KS BiH prenosi u nadležnosti SK KS BiH.

### **Član 16.**

Izmjene i dopune ovog Pravilnika se vrše na način i u postupku predviđenim za njegovo donošenje.

### **Član 17.**

Tekst Pravilnika je predložila SK KS BiH, a odobren je na sjednici Upravnog odbora KS BiH 27.09.2008.g. kada stupa na snagu i očinje njegova primjena.

Zbog procedure izrade i donošenja Upravni odbor KS BiH odobrava primjenu za sezonu 2010/2011 (R.A.)

UPRAVNI ODBOR KS BiH